

В ЧЕТВЕРТОК ПЯТЫЯ НЕДЕЛИ СВЯТЫХ ПОСТОВ, НА УТРЕНИ.

Канон Великий, творение святого Андрея Критскаго
Иерусалимскаго. Глас 6.

Песнь 1.

Ирмос: Помощник и покровитель / бысть мне во спасение, /
Сей мой Бог, и прославлю Его, / Бог отца моего, и вознесу Его: /
славно бо прославися.

Стих: Помилуй мя, Боже, помилуй мя.

Откуда начну плакати / окайннаго моего жития деяний? / Ко
ли положу начало, Христе, нынешнему рыданию? / Но яко
благоутробен, / даждь ми прегрешений оставление.

Гряди окайнная душе, с плотию твоєю, / Зиждителю всех
исповеждься, / и останися прочее прежняго безсловесия, / и
принеси Богу в покаянии слезы.

Первозданнаго Адама преступлению поревновав, / познах себе
обнажена от Бога / и присносущнаго Царствия и сладости, / грех
ради моих.

Увы мне окайнная душе, / что уподобилася еси первой Еве? /
Видела бо еси зле, и уязвилася еси горце, / и коснулась еси древа
и вкусила еси дерзостно / безсловесныя снеди.

Вместо Евы чувственная / мысленная ми бысть Ева, / во плоти
страстный помысл, / показуяй сладкая / и вкушаяй присно /
горькаго напоения.

Достойно из Едема изгнан бысть, / яко не сохранив едину
Твою, Спасе, заповедь Адам: / аз же что постражду, / отмета
всегда животная Твоя словеса?

Каиново прешед убийство, / произволением бых убийца
совести душевной, / оживив плоть, и воевав на ню / лукавыми
моими деяньми.

Авелеве Иисусе, не уподобихся правде, / дара Тебе приятна не принесох когда, / ни деяния божественна, ни жертвы чистыя, / ни жития непорочнаго.

Яко Каин и мы, душе окаянная, / всех Содетелю деяния скверная, / и жертву порочную, / и непотребное житие принесохом вкупе: / темже и осудихомся.

Брение Здатель живосоздав, / вложил еси мне плоть и кости, / и дыхание и жизнь: / но о Творче мой, Избавителю мой, и Судие / кающаяся приими мя.

Извещаю Ти Спасе, грехи, яже содеях, / и души и тела моего язвы, / яже внутри убийственнии помыслы / разбойнически на мя возложиша.

Аще и согрехих, Спасе, / но вем, яко Человеколюбец еси, / наказуеши милостивно, и милосердствуеши тепле: / слезяща зриши, / и притекаеши яко Отец, призывая блуднаго.

Повержена мя Спасе, пред враты Твоими, / поне на старость не отрини мене во ад тща, / но прежде конца, яко Человеколюбец, / даждь ми прегрешений оставление.

В разбойники впадый аз есмь, / помышленьми моими, / весь от них уязвяхся ныне, и исполнихся ран, / но Сам ми представ, / Христэ Спасе исцели.

Священник мя предвидев мимо иде, / и левит видя в лютых нага презре, / но из Марии возсиявый Иисусе, / Ты представ ущедри мя.

Агнче Божий, вземляй грехи всех, / возми бремя от мене тяжкое греховное, / и яко благоутробен, / даждь ми слезы умиления.

Покаяния время, / прихожду Ти Создателю моему, / возми бремя от мене тяжкое греховное, / и яко благоутробен, / даждь ми слезы умиления.

Не возгнушайся мене Спасе, не отрини от Твоего лица, / возми бремя от мене тяжкое греховное, / и яко благоутробен, / даждь мне грехопадений оставление.

Вольная, Спасе, и невольная прегрешения моя, / явленная и сокровенная / и ведомая и неведомая, / вся прости, яко Бог, / очисти и спаси мя.

От юности Христе, заповеди Твоя преступил, / всестрасно небрегий, / унынием преидох житие. / Темже зову Ти Спасе: / поне на конец спаси мя.

Богатство мое Спасе, изнурил в блуде, / пуст есмь плодов благочестивых, / алчен же зову: / Отче щедрот, предварив / Ты мя ущедри.

Тебе припадаю Иисусе, / согрешил Ти, очисти мя, / возми бремя от мене тяжкое греховное, / и яко благоутробен, / даждь ми слезы умиления.

Не вниди со мною в суд / нося моя деяния, / словеса изыскупа, и исправляя стремления, / но в щедротах Твоих презирая моя лютая, / спаси мя Всесильне.

Иный канон преподобныя матере нашея Марии Египетския, в тойже глас, и ирмос. Егоже краестрочие: Ты преподобная Марие помогай.

Запев: Преподобная мати Марие, моли Бога о нас.

Ты ми даждь светозарную благодать / от Божественного свѣше промысления, / избежати страстей омрачения, / и пети усердно, твоего Марие жития, / красная исправления.

Приклоньшия Христовым Божественным законом, / к Сему приступила еси, / сладостей неудержимая стремления оставивши, / и всякую добродетель всеблагоговейно, / яко едину исправила еси.

Андрею: Преподобне отче Андрее, моли Бога о нас.

Молитвами твоими нас, Андрее, / избави страстей безчестных / и Царствия ныне Христова общники / верою и любовью воспеваяющия тя, славне, покажи, молимся.

Слава, Троицен: Пресущная Троице, во Единице покланяемая, / возми бремя от мене тяжкое греховное, / и яко благоутробна, / даждь ми слезы умиления.

Богородичен: Богородице, надежде и предстательство Тебе поющих, / возьми бремя от мене тяжкое греховное, / и яко Владычица Чистая, / кающаяся прими мя.

Песнь 2.

Ирмос: Вонми, небо, и возглаблю, / и воспою Христа, / от Девы плотию пришедшаго.

Вонми небо, и возглаблю, / земле, внушай глас, / кающийся к Богу и воспевающий Его.

Вонми ми, Боже, Спасе мой / милостивным Твоим оком, / и прими мое теплое исповедание.

Согреших паче всех человек, / един согреших Тебе: / но ущедри яко Бог, Спасе, / творение Твое.

Буря мя злых обдержит, / благоутробне Господи: / но яко Петру, / и мне руку прости.

Слезы блудницы, Щедре, / и аз предлагаю: / очисти мя, Спасе, / благоутробием Твоим.

Омрачих душевную красоту / страстей сластими, / и всячески весь ум / персть сотворих.

Раздрах ныне одежду мою первую, / иже ми изтка Зиждитель из начала, / и оттуда лежу наг.

Облекохся в раздранную ризу, / юже изтка ми зми советом, / и стыжуся.

Возрех на садовную красоту / и прельстихся умом: / и оттуда лежу наг, и срамляюся.

Делаша на хребте моем / вси начальницы страстей, / продолжаяще на мя / беззаконие их.

Погубих первозданную доброту / и благолепие мое, / и ныне лежу наг, и стыжуся.

Сшиваше кожные ризы грех мне, / обнаживый мя первая / боготканная одежды.

Обложен есмь одеянием студа, / якоже листвию смоковным, / во обличение моих самовластных страстей.

Одеяхся в срамную ризу, / и окровавленную студою, / течением страстного и любосластного живота.

Оскверніх плоти моея ризу / и окалях / еже по образу, Спасе, / и по подобию.

Впадох в страстную пагубу / и в вещественную тлю, / и оттоле до ныне враг мне досаждает.

Любовещное и любоименное житие, / невоздержанием Спасе предпочет ныне, / тяжким бременем обложен есмь.

Украсих плотский образ / скверных помышлений различным обложением, / и осуждаюся.

Внешним прилежно благоукрашением / едином попекохся, / внутреннюю презрев / богообразную скинию.

Вообразив моих страстей безобразие, / любосластными стремленными / погубих ума красоту.

Погребох перваго образа доброту Спасе страстьми, / юже яко иногда драхму, / взыскав обрящи.

Согреших, якоже блудница вопию Ти: / един согреших Тебе, / яко миро приими Спасе / и моя слезы.

Поползохся яко Давид блудно, и осквернихся, / но омий и мене Спасе, слезами.

Очисти, якоже мытарь вопию Ти, / Спасе, очисти мя: / никтоже бо сущих из Адама, якоже аз / согреших Тебе.

Ни слез, ниже покаяния имам, ниже умиления: / Сам ми сия Спасе, / яко Бог даруй.

Дверь Твою не затвори мне тогда, / Господи, Господи, / но отверзи ми сию / кающемуся Тебе.

Человеколюбче хотяй всем спастися, / Ты воззови мя, / и приими яко Благ кающегося.

Внуши въздыхания души моея, / и очию моею приими капли Спасе, / и спаси мя.

Пресвятая Богородице, спаси нас.

Богородичен: Пречистая Богородице Дево, / едина Всепетая, / моли прилежно, во еже спастися нам.

Ирмос: Видите, видите, яко Аз есмь Бог, / манну одождивый / и воду из камене источивый / древле в пустыни людем Моим, / десницею единою и крепостию Моєю.

Видите видите, яко Аз есмь Бог: / внушай душе моя Господа
вопиющая, / и удалися прежняго греха, / и бойся яко неумытнаго, /
и яко Судий и Бога.

Кому уподобилася еси многогрешная душе, / токмо первому
Каину, и Ламеху оному, / каменовавшая тело злодействы, / и
убившая ум безсловесными стремленьми.

Вся прежде закона претекши, о душе! / Сифу не уподобилася
еси, / ни Еноса подражала еси, / ни Еноха преложением, ни Ноя, /
но явилася еси убога праведных жизни.

Едина отверзла еси хляби гнева, / Бога твоего, душе моя, / и
потопила еси всю, якоже землю плоть, и деяния и житие, / и
пребыла еси вне спасительнаго ковчега.

Мужа убих, глаголет, / в язву мне, и юношу в струп, / Ламех
рыдая вопиаше, / ты же не трепещеши о душе моя, / окалявши
плоть, и ум осквернивши.

О како поревновах Ламеху, первому убийце, / душу яко мужа,
ум яко юношу, / яко брата же моего тело убив, / яко Каин убийца,
любосластными стремленьми.

Столп умудрила еси создати о душе, / и утверждение
водрузити твоими похотми, / аще не бы Зиждитель удержал
советы твоя, / и низвергл на землю ухищрения твоя.

Уязвихся, уранихся, / се стрелы вражия уязвивши мою душу и
тело: / се струпи, гноения, омрачения, / вопиют раны
самовольных моих страстей.

Одожди Господь / от Господа огонь иногда, / на беззаконие
гневающее сожег Содомляны: / ты же огонь вжегда еси геенский, /
в немже имаши, о душе, сожещися.

Разумейте и видите, яко Аз есмь Бог, / испытаяй сердца, и
умучаяй мысли, / обличаяй деяния, и поपालаяй грехи, / и судяй
сиру, и смирену, и нищу.

Преподобная матери Марие, моли Бога о нас.

Преподобней: Простерла еси рuce твои / к щедрому Богу,
Марие, / в бездне зол погружаемая: / и якоже Петру
человеколюбно, / руку Божественную простре, / твоё обращение
всячески иский.

Марии: Всем усърдием и любовью / притеклá еси Христу́, / пёрвый грехá путь отвращши, / и в пустынях непроходímых питающихся, / и Того́ чисте соверша́ющи Божественныя заповеди.

Запев: Преподобне отче Андрее, моли́ Бóга о нас.

Видим, видим человеколю́бие, о душе́, / Бóга и Влады́ки: / сего́ ради прёжде конца́, Тому́ со слезáми припадём вопи́юще: / Андрея́ моли́твами, Спа́се, помилуй нас.

Слава, Трои́чен: Безнача́льная, несозда́нная Трóице, / неразде́льная Еди́нице, / ка́ющаяся мя приими́, / согреши́вша спаси́: / Твоё есмь созда́ние, не прёзри, / но пощади́, и изба́ви мя / о́гненнаго осужде́ния.

Богородичен: Пречи́стая Влады́чице Богороди́тельнице, / наде́ждо к Тебе́ притека́ющих, / и пристáнище сущих в бу́ри, / Милостиваго и Созда́теля, и Сы́на Твоего́, / умилостиви и мне / моли́твами Твои́ми.

Песнь 3.

Ирмос: На недви́жимом, Христé, ка́мени заповедий Твои́х, / утверди́ моё помышле́ние.

Огнь от Го́спода иногда́ / Господь одождив, / зёмлю Содомскую / прёжде попали́.

На горé спаса́йся, душе́, / я́коже Лот о́ный, / и в Сигóр угонза́й.

Бега́й запале́ния, о душе́, / бега́й Содомскаго горéния, / бега́й тле́ния Божественнаго пла́мене.

Испове́даюся Тебе́, Спа́се: / согреших, согреших Ти: / но осла́би, оста́ви ми, / я́ко благоутро́бен.

Согреших Тебе́ еди́н аз, / согреших па́че всех, Христé Спа́се, / да не прёзриши мене́.

Ты еси́ Па́стырь до́брый, / взыщи́ мене́ а́гнца, / и заблуждшаго да не прёзриши мене́.

Ты еси́ сла́дкий, Иисусе, / Ты еси́ Созда́телю мой: / в Тебе́, Спа́се, оправда́юся.

Пресвята́я Трóице Бо́же наш, сла́ва Тебе́.

Трои́чен: О Трóице Еди́нице Бо́же! / Спаси́ нас от прелести, / и искуше́ний, и обстоя́ний.

Пресвятáя Богорóдице, спаси́ нас.

Богородичен: Рáдуйся, Богоприятная утрóбо, / рáдуйся, престóле Госпóдень, / рáдуйся, Мáти Жíзни нáшея.

Ирмос: Утверди́, Гóсподи, на кáмени заповедей Твои́х / подви́гшееся сéрдце моё, / я́ко Еди́н Свят еси́ и Госпóдь.

Исто́чник живото́а стяжа́х Тебе́, / сме́рти низложите́ля, / и вопи́ю Ти от сéрдца моего́ пре́жде конца́: / согреши́х, очисти́ и спаси́ мя.

При Но́и, Спа́се, / блóдствовавшия подража́х, / óнех наслéдствовав осужде́ние, / в пото́пе погруже́ния.

Согреши́х, Гóсподи, / согреши́х Тебе́, очисти́ мя: / несть бо и́же кто согреши́ в челове́цах, / егóже не превзыдо́х прегрешéньми.

Ха́ма óнаго душе́, / отцеуби́йца подража́вши, / сра́ма не покрýла еси́ и́скренняго, / вспя́ть зря возврати́вшисья.

Благослове́ния Си́мова не наслéдовала еси́ душе́ ока́янная, / ни пространное одержáние, / я́коже Иа́фет имéла еси́ на земл́и оставле́ния.

От земл́и Харра́н, / изы́ди от греха́ душе́ моя́, / гряди́ в зéмлю точа́щую присноживо́тное нетле́ние, / е́же Авраа́м наслéдствова.

Авраа́ма слы́шала еси́ душе́ моя́, / дрéвле оста́вльша зéмлю отéчества, / и б́ывша пришéльца, / сегó произво́лению подража́й.

У дýба Мамври́йскаго / учреди́в патриа́рх а́нгелы, / наслéдствова по ста́рости / обетова́ния лови́тву.

Исаа́ка ока́янная душе́ моя́, / разумéвши но́вую же́ртву, / та́йно всесожже́нную Гóсподеви, / подража́й егó произво́лению.

Исма́ила слы́шала еси́, трезви́ся душе́ моя́, / изгна́на я́ко рабы́нино отрожде́ние, / виждь, да не ка́ко подо́бно что / постра́ждеши ласкосéрдствующи.

Ага́ре дрéвле душе́, египтяныне уподо́билася еси́, / порабо́тившисья произво́лением, и ро́ждши / но́ваго Исма́ила, презóрство.

Иа́ковлю ле́ствицу / разумéла еси́ душе́ моя́, / явля́емую от земл́и к небесе́м, / почто́ не имéла еси́ / восхо́да твёрда, благоче́стия?

Священника Божия, и царя уединена, / Христово подобие, / в мире жития, в человецех подражай.

Не буди столп сланный душе, / возвратившись вспять: / образ да устрашит тя Содомский, / горе в Сигор спасайся.

Запаления якоже Лот, / бегай душе моя греха: / бегай Содомы и Гоморры, / бегай пламене всякаго безсловеснаго желания.

Помилуй Господи, помилуй мя, вопию Ти, / егда приидеши со ангелы Твоими, / воздати всем по достоинию деяний.

Моления Владыко, / Тебе поющих не отвержи, / но ущедри Человеколюбче, / и подаждь верою просящим оставление.

Преподобная матери Марие, моли Бога о нас.

Марии: Содержимь есмь бурю, и треволнением согрешений, / но сама мя матери ныне спаси, / и к пристанищу Божественнаго покаяния возведи.

Преподобная матери Марие, моли Бога о нас.

Марии: Рабское моление и ныне преподобная / принеши ко благоутробней молитвами твоими Богородице, / отверзи ми Божественныя входы.

Преподобне отче Андрее, моли Бога о нас.

Андрею: Твоими молитвами даруй / и мне оставление долгов, / о Андрее, Критский председателю! / покаяния бо ты тайник преизрядный.

Слава, Троицен: Троице простая, несозданная, / безначальное Естество, / в Троице певаемая Ипостасей, / спаси ны верою поклоняющихся / державе Твоей.

Богородичен: От Отца безлетна Сына, / в лето Богородительнице / неискусомужно родила еси, / странное чудо, / пребывши Дева доящи.

Ирмос: Утверди, Господи, на камени:

Седален, господина Иосифа, глас 8:

Подобен: Воскресл еси от гроба:

Светила богозрачная, Спасовы апостоли, / просветите нас во тьме жития, / яко да во дни ныне благообразно ходим, / светом

воздержания ношнѣхъ страстѣй отбегаяще, / и свѣтлыя страсти Христовы узрим, радующеся.

Слава, другий седален, глас 8

Подобен: Повелѣнное тайно:

Апостольская двоенадесятице богоизбранная, / мольбу Христу ныне принеси, / постное поприще всем прейти, / совершающим во умилении молитвы, / творящим усердно добродетели, / яко да сие предварим видети / Христа Бога славное Воскресение, / славу и хвалу приносяще.

И ныне, Богородичен. Подобен: Непостижимаго Бога, Сына и Слово, / несказанно паче ума из Тебе рождающееся, / моли Богородице со апостолы, / мир вселенней чистый подати, / и согрешений дати нам прежде конца прощение, / и Царствия Небеснаго крайня ради благодости, / сподобити рабы Твоя.

И чем оставшее жития преподобныя Марии.

Таже трипеснец, без поклонов, глас 8.

Песнь 4.

Ирмос: Услышах, Господи, / смотрения Твоего таинство, / разумех дела Твоя / и прославих Твое Божество.

Святѣи Апостоли, молите Бога о нас.

Воздержанием поживше / просвещеннии Христовы апостоли, / воздержания время нам / ходатайствы Божественными утишают.

Двоенадесятострунный орган, / песнь воспе спасительную, / учеников лик божественный, / лукавая возмущая гласования.

Одождением духовным / всю подсолнечную напоите, / сушу отгнавше многобожия всеблаженнии.

Пресвятая Богородице, спаси нас.

Богородичен: Смирившася спаси мя, / высокоумудренно пожившаго, / рождающая Вознесшаго смиренное естество, / Дево Всечистая.

Иный. Глас тойже.

Ирмос: Услышах, Господи:

Святѣи Апостоли, молите Бога о нас.

Апóстольское всечестнóе ликостояние, / Зиждителя всех молящее, / проси помилovati ны восхваляющия тя.

Яко делателе сýще Христóвы апóстоли, / во всем мiре Божественным Слóвом возделавшии, / приносят плоды Емý всегда.

Виноград бiсте Христóв / воистинну возлюбленный, / вино бо духовное источиште мiру апóстоли.

Пресвятая Троице Бóже наш, слава Тебé.

Троицен: Преначальная, сообразная, / всеильнейшая Троице Святая, / Отче, Слóве и Дúше Святый, / Бóже, Свёте и Животé, / сохрани стадо Твоё.

Пресвятая Богородице, спаси нас.

Богородичен: Рáдуйся, престóле огнезрачный, / рáдуйся, светильниче священосный, / рáдуйся, горó освящения, ковчéже жизни, / святых святая сéне.

Ирмос: Услыша пророк / пришествие Твоё, Гóсподи, и убойся, / яко хощеши от Дéвы родитися / и человеком явитися, и глаголаше: / услышах слух Твой и убохся, / слава силе Твоёй, Гóсподи.

Дел Твоих да не презриши, / создания Твоего да не оставиши, Правосуде, / аще и един согреших, яко человек, / паче всякаго человека, Человеколюбче, / но имаши, яко Господь всех, / власть оставляти грехи.

Приближается, душе, конец, приближается, / и нерадиши, ни готовиши: / время сокращается, востани, близ при дверех Судия есть: / яко соние, яко цвет, время жития течет: / что все мятёмся?

Воспрани, о душе моя, / деяния твоя, яже соделала еси, помышляй, / и сия пред лице твоё принеси, / и капли испусти слез твоих: / рцы со дерзновением деяния и помышления Христу, / и оправдайся.

Не бысть в житии греха, ни деяния, ни злобы, / еяже аз, Спасе, не согреших / умом и словом, и произволением / и

предложением, и мыслию, и деянием согрешив, / яко ин никтоже когда.

Отсюда и осужден бых, / отсюда препрен бых аз окаянный от своей совести, / еже ничтоже в мире нужнейше: / Судие, Избавителю мой, и вѣдче, / пощади и избави, и спаси мя раба Твоего.

Лествица, юже виде древле / великий в патриарсах, / указание есть душе моя, / деятельнаго восхождения, разумнаго возшества: / аще хощеши убо, деянием, и разумом, / и зрением пожити, обновися.

Зной дневный претерпе / лишения ради патриарх, / и мразночный понесе, / на всяк день снабдения творя, / пасый, труждайся, работая, / да две жены сочетает.

Жены ми две разумей, / деяние же и разум в зрении, / Лию убо деяние, яко многочадную: / Рахиль же разум, яко многотрудную: / ибо кроме трудов, ни деяние, ни зрение душе, исправится.

Бди о душе моя! / Изрядствуй якоже древле великий в патриарсах, / да стяжеша деяние с разумом, / да будеши ум зряи Бога / и достигнеша незаходящий мрак в видении, / и будеши великий купец.

Дванадцать патриархов, / великий в патриарсах детотворив, / тайно утверди тебе / лествицу деятельнаго душе моя восхождения: / дети, яко основания: степени, / яко восхождения, премудренно подложив.

Исава возненавиденнаго подражала еси душе, / отдала еси прелестнику твоему / первыя доброты первенство, / и отеческия молитвы отпала еси, / и дважды поползнула еси окаянная, / деянием и разумом: / темже ныне покайся.

Едом Исав наречеса, / крайняго ради женонейстоваго смешения: / невоздержанием бо присно разжигаемь, / и сластми оскверняемь, / Едом именовася, / еже глаголется разжжение души любогреховныя.

Иова на гнобищи слышавши, / о душе моя, оправдавшагося, / того мужеству не поревновала еси, / твердаго не имела еси предложения, во всех яже веси, / и имиже искусилася еси, / но явилася еси нетерпелива.

Иже пёрвее на престóле, / наг нýне на гнóищи гнóен: / мнóгий
в чáдех и слáвный, / безчáден и бездóмок напрáсно: / палáту úбо
гнóище, / и б́исерие стру́пы вменяше.

Цáрским достóинством, венцём и багрян́ицею одéян, /
многоимéнный человек и прáведный / богáтством кипя́ и ста́ды, /
внеза́пу богáтства, слáвы цáрства / обнища́в лиш́йся.

Аще прáведен бя́ше он, и непорóчен пáче всех, / и не убежé
ловлéния льст́иваго и сéти: / ты же грехолуб́ива сýщи окая́нная
душé, что сотвори́ши, / áще чесóму о недовéдомых / случ́ится
наит́и тебе́?

Тéло оскверн́йся, дух окаля́ся, / весь оструп́ихся, / но я́ко врач
Христé, / обоя́ покая́нием мо́им уврачу́й, / омый, оч́исти, / покаж́и
Спáсе мой, / пáче снéга чистéйша.

Тéло Твоé и кровь распина́емый о всех / полож́ил ес́и Сло́ве: /
тéло úбо, да мя обнов́иши: / кровь, да омы́еши мя: / дух же прéдал
ес́и, / да мя приведéши Христé, / Твоему́ Род́ителю.

Содéлал ес́и спасéние / посреде́ земли́ Щéдре, / да спасéмся. /
Волею́ на Дре́ве распя́лся ес́и. / Едём затворéнный отвёрзeся, /
гóрняя и дóльная тварь, / язýцы вси спасéни / поклоня́ются Тебе́.

Да б́удет ми купéль, / кровь из ребр Тво́их, / вку́пе и питиé, /
источ́ившее во́ду оставлéния, / да обою́ду очища́юся, / помазу́яся
и пия́: / я́ко пома́зание и питиé Сло́ве, / животóчная Тво́я словеса́.

Наг есмь черто́га, / наг есмь и бра́ка, кúпно и вéчери: /
свет́ильник угасé, я́ко безъелéйный, / черто́г заключ́ися мне
спя́щу, / вéчерея снeдeся: / аз же по рукú и нóгу связа́н, / вон
низвёржен есмь.

Ча́шу Цéрковь стяжа́, / рéбра Тво́я живонóсная, / из н́ихже
сугúбья нам источ́и то́ки, / оставлéния и рáзума, / во óбраз
дрéвняго и нóваго / дво́их вку́пе заветов, Спáсе наш.

Врéмя животá моего́ ма́ло, / и испóлнено болéзней и лука́вства,
/ но в покая́нии мя приими́, / и в рáзум призов́и, / да не б́уду
стяжа́ние, ни бра́шно чуждéму, / Спáсе, Сам мя уще́дри.

Высокоглаго́лив нýне есмь, / жестóк же и сёрдцем, / вотщé и
всу́е, / да не с фарисéем осúдиши мя, / пáче же мытарéво
смирéние пода́ждь ми / ед́ине Щéдре, Правосúде, / и семú мя
сочисли́.

Согреших, досадив сосуду плоти моея, / вем Щедре, / но в покаянии мя прими, / и в разум призови, / да не буду стяжание, ни брашно чуждему, / Спасе, Сам мя ущедри.

Самоистукан бых страстьми, / душу мою вредя Щедре, / но в покаянии мя прими, / и в разум призови, / да не буду стяжание, ни брашно чуждему, / Спасе, Сам мя ущедри.

Не послушах гласа Твоего, / преслушах писание Твое законоположника, / но в покаянии мя прими, / и в разум призови, / да не буду стяжание, ни брашно чуждему, / Спасе, Сам мя ущедри.

Преподобная матери Марие, моли Бога о нас.

Марии: Безплотных жительство в плоти преходящи, / благодать преподобная к Богу / велию воистинну прияла еси, / верно о чтущих тя предстательствуй. / Темже молим тя, / от всяких напастей и нас молитвами твоими избави.

Преподобная матери Марие, моли Бога о нас.

Марии: Великих безместий во глубину низведшися, / неодолима была еси, / но востекла еси помыслом лучшим, / к крайней деяньми яве добродетели преславно, / ангельское естество Марие, удививши.

Преподобне отче Андрее, моли Бога о нас.

Андрею: Андрее, отеческая похвало, / молитвами твоими не претай моляся, / предстоя Троице Пребожественней, / яко да избавимся мучения, / любовью предстателя твоего божественного всеблаженно призывающего, / Криту удобрение.

Слава, Троице: Нераздельное Существом, / неслитное Лицы, / богословлю Тя Троическое Единое Божество, / яко единоцарственное и сопредельное, / вопию Ти песнь великую, / в вышних трегубо песнословимую.

Богородице: И раждаеши, и деествуеши, / и пребываеши обоюду естеством Дева: / Рождейся обновляет законы естества, / утроба же раждает нераждающая. / Бог идеже хочет, побеждается естества чин: / творит бо елика хочет.

Песнь 5.

Ирмос: От но́щи у́треннююща, / Человеколю́бче, просвети́,
молю́ся, / и наста́ви и мене́ на повеле́ния Твоя́, / и научи́ мя,
Спа́се, / твори́ти во́лю Твою́.

В но́щи жити́е моё преидо́х при́сно, / тьма бо бысть и глубока́
мне мгла, но́щь греха́, / но́ яко дне сы́на Спа́се покажи́ мя.

Рувима́ подража́я ока́нный аз, / соде́ях беззако́нный и
законопресту́пный сове́т на Бо́га Вы́шняго, / оскверни́в ло́же моё,
яко́ о́тчее он.

Испове́даюся Тебе́ Христе́ Царю́, / согреша́х, согреша́х, / яко́
пре́жде Ио́сифа бра́тия прода́вшии, / чистоты́ плод и целому́дрия.

От сро́дников пра́ведная ду́ша связа́ся, / прода́ся в рабо́ту
сла́дкий, / во о́браз Господень: / ты же вся ду́ше, продала́ся еси́ /
злы́ми твои́ми.

Ио́сифа пра́веднаго и целому́дреннаго ума́ / подража́й
ока́нная, и неиску́сная ду́ше, / и не оскверня́йся безсловесными
стремле́ньми / при́сно беззако́ннующи.

Аще и в ро́ве поживе́ иногда́ Ио́сиф, / Влады́ко Го́споди, / но
во о́браз погребёния и воста́ния Твоего́: / аз же что Тебе́ когда́
сицево́е принесу́?

Моисе́ов слы́шала еси́ ковче́жец ду́ше, / вода́ми, волна́ми
носим ре́чными, / яко́ в черто́зе дре́вле бе́гающий де́ла го́рькаго /
сове́та фараони́тска.

Аще ба́бы слы́шала еси́, убива́ющия иногда́ / безвозра́стное
му́жское, ду́ше ока́нная, целому́дрия дея́ние, / ны́не яко́
вели́кий Моисе́й, / сси прему́дрость.

Яко́ Моисе́й вели́кий / египтянина, ума́ уязви́вши / ока́нная, не
уби́ла еси́ ду́ше: / и ка́ко всели́шися, глаго́ли, / в пусты́ню
страсте́й пока́нием?

В пусты́ню всели́ся вели́кий Моисе́й, / гряди́ у́бо подража́й
того́ жити́е, / да и в купине́ богоявле́ния ду́ше, / в виде́нии
бу́деши.

Моисе́ов жезл вообража́й ду́ше, / ударя́ющий мо́ре, и
огустева́ющий глубину́, / во о́браз Креста́ Божественнаго: / и́мже
мо́жеши и ты / вели́кая соверши́ти.

Аарон приношаше огонь Бóгу, непорóчный, нелéстный: / но
Офнi и Финеес, я́ко ты душе́, / приноша́ху чуждее́ Бóгу
осквернённое жити́е.

Яко тяжкий нра́вом, / фараóну го́рькому бых Влады́ко, / Ианни́,
и Иамври́, душе́ю и тéлом, / и погружён умóм, но помози́ ми.

Кáлом смесихся ока́нный умóм, / омый мя Влады́ко, ба́нею
моих слез, / молю́ Тя, плóти моея́ оде́жду / убели́в я́ко снег.

Аще испыта́ю моя́ дела́ Спа́се, / вся́каго челове́ка превозше́дша
грехáми себе́ зрю, / я́ко рáзумом му́дрствуяй согреших, / не
невéдением.

Пощади́ пощади́ Го́споди, создáние Твое́, / согреших, осла́би
ми, / я́ко естество́м чiстый Сам сый еди́н, / и ин рáзве Тебе́ /
никто́же есть кроме́ сквёрны.

Мене́ ра́ди Бог сый, / вообразился еси́ в мя, / показáл еси́
чудеса́, исцели́в прокажённые, / и разсла́бленнаго стягну́в, /
кровоточивыя ток уста́вил еси́ Спа́се, / прикоснове́нием риз.

Кровоточивую подража́й ока́нная душе́, / притецы́, удержи́
ометы́ Христовы́, / да изба́вишися ран, / и услы́шиши от Него́: /
вэра твоя́ спасе́ тя.

Ни́зу снича́щую подража́й о душе́, / прииди́, припади́ к нога́ма
Иисúсовыма, / да тя испра́вит, / и да хóдиши пра́во / стези́
Госпо́дни.

Аще и кла́дязь еси́ глубо́кий Влады́ко, / источи́ ми во́ду из
пречiстых Твои́х жил, / да я́ко самаряны́ня, не ктому́ пийя́
жа́жду: / жи́зни бо струи́ источáеши.

Силоáм да бóдут ми / слéзы моя́, Влады́ко Го́споди, / да умы́ю
и аз зéницы сёрдца, / и ви́жду Тя умно́, Свёта превéчна.

Преподо́бная ма́ти Мари́е, моли́ Бóга о нас.

Мари́и: Несравнённым желáнием всебогáтая, / Дре́ву
возжелéвши поклони́тися живóтному, / сподо́билася еси́ желáния,
/ сподо́би у́бо и мене́ / уллучи́ти вы́шняя сла́вы.

Преподо́бная ма́ти Мари́е, моли́ Бóга о нас.

Мари́и: Струи́ Иорда́нския прешéдши, / обрела́ еси́ поко́й
безболéзненный, / плóти сла́сти избежа́вши, / ея́же и нас изми́ /
твои́ми моли́твами преподо́бная.

Преподобне отче Андрее, моли Бога о нас.

Андрею: Яко пастырей изряднейша, / Андрее премудре, / избранна суща ты, / любовью велию и страхом молю, / твоими молитвами спасение улучшить, / и жизнь вечную.

Слава, Троичен: Тя Троице славим, Единого Бога, / Свят, Свят, Свят еси / Отче, Сыне и Душе, / простое Существо, / Единице присно покланяемая.

Богородичен: Из Тебе облечеса в мое смешение, / нетленная безмужная Мати Дево, / Бог создавый веки, / и соедини Себе человеческое естество.

Песнь 6.

Ирмос: Возопих всем сердцем моим / к щедрому Богу, / и услыша мя от ада преисподняго, / и возведе от тли живот мой.

Слезы Спасе очию моею, / и из глубины воздыхания / чисте приношу, вопиюще сердцу: / Боже, согрехи Ти / очисти мя.

Уклонилася еси душе, от Господа твоего, / якоже Дафан и Авирон: / но пощадил, воззови из ада преисподняго, / да не пропасть земная тебе покрывает.

Яко юница душе разсвирепевшая, / уподобилася еси Ефрему, / яко серна от тенет сохрани житие, / вперивши деянием ум, и зрением.

Рука нас Моисеова да уверит душе, / како может Бог проказенное житие / убелити, и очистити: / и не отчаяйся сама себе, / аще и проказенна еси.

Волны Спасе прегрешений моих / яко в мори Чермнем возвращающиеся, / покрывша мя внезапно, / яко Египтяны иногда, и тристаты.

Неразумное душе произволение имела еси, / яко прежде Израиль: / Божественныя бо манны предсудила еси безсловесно, / любосластное страстей объядение.

Кладенцы душе, предпочла еси хананейских мыслей, / паче жилы камене, / из негоже премудрости река, яко чаша / проливает токи богословия.

Свиня́я мяса́ и котлы́, и Египетскую пи́щу, / па́че небесны́я
предсудила́ еси́ душе́ моя́, / якоже дре́вле неразу́мнии лю́дие в
пусты́ни.

Яко уда́ри Моисе́й раб Твой / жезло́м ка́мень, / образно
животвори́вая ре́бра Твоя́ прообразова́ше, / из ни́хже вси / пити́е
жизни Спа́се, почерпа́ем.

Испыта́й душе́ и смотри́й, якоже Иису́с Нави́н / обетова́ния
зе́млю, какова́ есть, / и всели́ся в ню́ благозако́нием.

Воста́ни и побори́, / яко Иису́с Амали́ка, плотски́я стра́сти, / и
гаваони́ты, ле́стныя по́мыслы / при́сно побежда́ющи.

Преиди́ вре́мене теку́щее естество́, / яко пре́жде ковче́г, / и
земли́ о́ныя бу́ди во одержа́нии обетова́ния душе́, / Бог
повелева́ет.

Яко спасл еси́ Петра́, возопи́вша / спаси́, предвари́в мя Спа́се /
от зве́ря изба́ви, просте́р Твою́ ру́ку, / и возведи́ из глубины́
грехо́вныя.

Приста́нице Тя вем ути́шное, / Влады́ко, Влады́ко Христэ́, / но
от незаходи́мых глуби́н греха́, и отча́яния / мя предвари́в изба́ви.

Аз есмь, Спа́се, / ю́же погуби́л еси́ дре́вле ца́рскую дра́хму, / но
вжег свети́льник Предте́чу Твоего́ Сло́ве, / взыщи́ и обря́ци Твой
о́браз.

Преподо́бная ма́ти Мари́е, моли́ Бо́га о нас.

Марии: Да страсте́й пла́мень угаси́ши, / слез ка́пли источи́ла
еси́ при́сно Мари́е, / душе́ю распаля́ема, / ихже благода́ть
пода́ждь и мне, / твоему́ рабу́.

Преподо́бная ма́ти Мари́е, моли́ Бо́га о нас.

Марии: Безстра́стие небесное стяжа́ла еси́, / крайним на земли́
жити́ем ма́ти. / Те́мже тебе́ пою́щим, / страсте́й изба́витися /
моли́твами твои́ми, моли́ся.

Преподо́бне о́тче Андре́е, моли́ Бо́га о нас.

Андрею: Крита́скаго тя па́стыря, и председа́теля, / и вселенны́я
моли́твенника ве́дый, / притека́ю Андре́е, и вопию́ ти: / изми́ мя
о́тче, из глубины́ греха́.

Слава, Троицен: Трѳица есмь прѳста, нераздѣльна, / раздѣльна Личне, / и Единица есмь Естеством соединѣна, / Отец глаголет, и Сын, и Божественный Дух.

Богородичен: Утрѳба Твоя Бѳга нам роди, / воображена по нам: / Егѳже, яко Создателя всех, моли Богородице, / да Твоими молитвами оправдимся.

И поем ирмос Великаго канона.

Кондак, глас 6:

Душе моя, душе моя, востани, что спиши? / Конѣц приближается, и имаши смутитися. / Воспряни убо, да пощадитя Христос Бог, / вездѣ сый и вся исполняяй.

Икос: Христово врачевство видя отверсто, / и от Сего Адаму истекающее здравие, / пострада, уязвися диавол, / и яко бедствуя рыдаше, / и своим другом возопи: / что сотворю Сыну Мариину, / убивает мя Вифлеѣмлянин, / Иже вездѣ сый, и вся исполняяй.

Синаксарий первее Минеи, таже Триоди.

Таже блаженны с поклоны. Глас 6:

Во Царствии Твоѣм, помяни нас Господи, егда приидеши во царствии Твоѣм.

Разбойника Христе рая жителя сотворил еси, / на Кресте Тебе возопивша: помяни мя, / того покаюнию / сподоби и мене недостойнаго.

Стих: Блажени нищии духом, яко тех есть Царство Небесное.

Маноя слышавши древле душе моя, / Бѳга в явлении бывша, / и из неплодове тогда приемша плод обетования, / того благочестие подражай.

Стих: Блажени плачущии, яко тии утешатся.

Сампсоновой поревновавши лености, / главу остригла еси душе дел твоих, / предавши иноплемѣнником, любосластием / целомудренную жизнь и блаженную.

Стих: Блажени кротцыи, яко тии наследят землю.

Прэжде чэлюстыю óслею / победíвый иноплемéнники, / нýне пленéние ласкосéрдству стра́стному обрéтеся, / но избéгни душé мо́я подража́ния, / дея́ния и сла́бости.

Стих: Блаже́ни а́лчущии и жа́ждущии пра́вды, я́ко т́ии насы́тятся.

Вара́к и Иеффáй военача́льницы, / судий Изра́илевы предпочт́ени б́ыша, / с н́имиже Девóрра мужеу́мная: / тех до́блестьми душé / вмужíвшися укрепíся.

Стих: Блаже́ни м́лостивии, я́ко т́ии помíловани б́удут.

Иайлино хра́брство позна́ла еси́ душé мо́я, / Сисáра дрéвле пробóдшую, / и спасéние соде́лавшую, дрéвом óстрым, слýшиши, / íмже тебе́ Крест образúется.

Стих: Блаже́ни ч́истии сéрдцем, я́ко т́ии Бóга úзрят.

Пожр́и душé жéртву похва́льную, / дея́ние я́ко дщерь принеси́, / от Иеффáевы чистéйшую, / и зако́ли я́ко жéртву, стра́сти плотсќия / Гóсподеви твоeму́.

Стих: Блаже́ни миротво́рцы, я́ко т́ии сы́нове Бóжиии нареку́тся.

Гедеóново руно́ помышля́й душé мо́я, / с небесé рóсу подымí, / и принíкни я́коже пес, и пий вóду, / от зако́на текúщую, / изгнетéнием п́исменным.

Стих: Блаже́ни изгна́ни пра́вды ра́ди, я́ко тех есть Ца́рство Небéсное.

Ил́ии священника́ осуждéние душé мо́я / восприя́ла еси́, лишéнием ума́ / приобрéтши стра́сти себе́, / я́коже он ча́да, дéлати беззакóнная.

Стих: Блаже́ни есте́, егда́ понóсят вам, и изженúт, и рекúт всяк зол глаго́л на вы лжу́ще Менé ра́ди.

В судия́х Левít, небреже́нием / свою́ жену́, двана́дцатым колéном разделí, душé мо́я, / да сквэрну́ обличíт / от Вениамíна беззакóнную.

Стих: Ра́дуйтесь и веселíтесь, я́ко мзда ва́ша мно́га на небесéх.

Любомудренная Анна молящися, / устне́ убо двизаше ко хвалению, / глас же ея́ не слышашеся, / но обаче непло́дна сущи, / сына́ моли́твы ражда́ет досто́йна.

Стих: Помяни́ нас Го́споди, егда́ приидеши во Ца́рствии Твоём.

В судия́х спричте́ся / Аннино порождéние, вели́кий Саму́ил, / егóже воспитала́ Армафе́ма в дому́ Господни, / тому́ поревну́й душе́ моя, и суди́ / прэ́жде инéх дела́ твоя́.

Стих: Помяни́ нас Влады́ко, егда́ приидеши во Ца́рствии Твоём.

Дави́д на ца́рство избра́н, / ца́рски пома́зася ро́гом Божéственнаго ми́ра: / ты́ убо душе́ моя, а́ще хóщеши вы́шняго Ца́рствия, / ми́ром пома́жися слеза́ми.

Стих: Помяни́ нас Святы́й, егда́ приидеши во Ца́рствии Твоём.

Поми́луй создáние Твое́ Милостиве, / ущéдри руку́ Твоею́ творéние, / и пощади́ вся согрешившия, / и мене́ пáче всех, / Твои́х презрэвшаго повелéний.

Слава, Троичен: Безначáльну, и рождéнию же и происхождéнию, / Отцу́ покланя́юся ро́ждшему, / Сы́на сла́влю рождéннаго, / пою́ сопросия́вшаго Отцу́ же и Сы́ну, / Ду́ха Свята́го.

Богородичен: Преестéственному Рождеству́ Твоему́ покланя́емся, / по естеству́ сла́вы Младéнца Твоего́ / не разделя́юще Богороди́тельнице: / Иже бо еди́н лицéм, / сугубыми исповéдуется естеству́.

Песнь 7.

Ирмос: Согрешихом, беззакóнновахом, / неправдовахом пред Тобо́ю, / ниже́ соблюдо́хом, ниже́ сотворихом, / я́коже заповéдал еси́ нам; / но не преда́ждь нас до конца́, / отцéв Бо́же.

Согреших, беззакóнновах, / и отверго́х за́поведь Твою́, / я́ко во гресéх произведóхся / и приложих я́звам стру́пы себе́: / но Сам мя поми́луй, / я́ко Благоутрóбен, отцéв Бо́же.

Та́йна сёрдца моего́ / испове́дах Тебе́ Судии́ моему́, / виждь моё смире́ние, / виждь и скорбь мою́, / и вонми́ суду́ моему́ ны́не, / и Сам мя поми́луй, я́ко Благоутро́бен, / отце́в Бо́же.

Сау́л иногда́ я́ко погуби́ отца́ своего́ душе́ осля́та, / внеза́пу ца́рство обре́те к прослу́тию, / но блюди́, не забыва́й себе́, / ско́тския по́хоти твоя́ / произво́ливши па́че Ца́рства Христо́ва.

Дави́д иногда́ Богооте́ц, / а́ще и согрешí сугу́бо душе́ моя́, / стрело́ю у́бо устрелён быв прелюбодéйства, / копиём же пленён быв убíйства томлénием, / но ты сама́ тяжча́йшими дéлы недугуеши, / самохо́тными стремлénыми.

Совокупí у́бо Дави́д иногда́ беззако́нию беззако́ние: / убíйству же любодéйство раство́рив, / пока́ние сугу́бое показа́ а́бие: / но сама́ ты лука́вейшая душе́ соде́лала еси́, / не пока́вшись Бо́гу.

Дави́д иногда́ вообрази́, / списав́ я́ко на ико́не песнь, / ёюже дея́ние облича́ет, ёже соде́я, зови́й: / поми́луй мя. Тебе́ бо Еди́ному согрешíх всех Бо́гу, / Сам очисти́ мя.

Киво́т я́ко ноша́шеся на колесни́це, / Зан о́ный, / егда́ превращу́ся тельцу́, / то́чию косну́ся, Бо́жиим иску́сься гнёвом: / но того́ дерзнове́ния убежа́вши душе́, / почита́й Божéственная чéстне.

Слы́шала еси́ Авессало́ма, / ка́ко на естество́ воста́? / Позна́ла еси́ того́ скве́рная дея́ния, / и́миже оскверни́ ло́же Дави́да отца́, / но ты подража́ла еси́ того́ стра́стная / и любосла́стная стремлénия.

Покори́ла еси́ нерабо́тное твоё досто́инство телу́ твоёму́: / ино́го бо Ахитофе́ла обрётши врага́, душе́, / снизшла́ еси́ сего́ сове́том, / но сия́ разсы́па Сам Христо́с, / да ты вся́ко спасе́шися.

Соломо́н чу́дный, / и благода́ти премúдрости испо́лненный, / сей лука́вое иногда́ пред Бо́гом сотвори́в, / отступи́ от Него́: / ему́же ты прокля́тым твои́м житиём, душе́ / уподо́билася еси́.

Сластьми́ влеко́мь страсте́й свои́х оскверня́шеся, / увы́ мне, рачи́тель премúдрости, / рачи́тель блúдных жен, и страна́ен от Бо́га: / его́же ты подража́ла еси́ умом о́ душе́! / Сладостра́стными скве́рными.

Ровоа́му поревновáла еси́ / не послу́шавшему сове́та о́тца, / кúпно же и зле́йшему рабу́ Иеровоа́му, пре́жнему отсту́пнику душе́, / но бега́й подража́ния, и зови́ Бо́гу: / согрешíх, ущéдри мя.

Аха́вовым поревновáла еси́ / сквѣрна́м, душѣ́ моя́, увы́ мне, /
была́ еси́ плотски́х сквернъ пребывáлище, / и сосúд сра́млен
страсте́й, / но из глубины́ твоея́ воздохни́, / и глаго́ли Бо́гу грехи́
твоя́.

Попали́ Илия́ иногда́ два́ци / пятьдеся́т Иезавѣлиныхъ, / егда́
стúдныя проро́ки погуби́, / во обличѣ́ние Аха́ово, / но бе́гай
подража́ния двою́ душѣ́, / и укрепля́йся.

Заклучи́ся тебе́ не́бо душѣ́, / и гладъ Бо́жий пости́же тя: / егда́
Или́и Фесви́тянина́ я́коже Аха́в, / не покори́ся словесе́м иногда́, /
но Сара́ффии́ уподо́бился, / напитáй проро́чу́ дúшу.

Манасси́ева собралá еси́ согрешѣ́ния изволѣ́нием, / поста́вльши
я́ко мѣрзости стра́сти, / и умно́живши душѣ́ негодова́ние, / но того́
покая́нию ревну́ющи те́пле, / стяжи́ умилѣ́ние.

Припа́даю Ти, / и приношú́ Тебе́, я́коже слѣ́зы глаго́лы моя́: /
согрешихъ, я́ко не согреши́ блудни́ца, / и безакóнновахъ, я́ко и́ный
никто́же на земли́, / но ущѣ́дри Влады́ко, творѣ́ние Твое́, / и
воззови́ мя.

Погребóхъ о́браз Твой, / и растли́х за́поведь Твою́, / вся
помрачи́ся добрóта, / и страстьми́ угаси́ся, Спа́се, свещá, / но
ущѣ́дрив возда́ждь ми / я́коже поётъ Дави́д, ра́дование.

Обрати́ся, пока́йся, открьи́ сокровѣ́нная, / глаго́ли Бо́гу вся
веду́щему: / Ты ве́си моя́ та́йная, еди́не Спа́се, / но Сам мя
поми́луй, я́коже поётъ Дави́д / по ми́лости Твое́й.

Исчезóша дни́и мой, я́ко со́ние востаю́щаго: / те́мже я́ко Езеки́я
слезю́ на ло́жи моёмъ, / приложи́тся мне ле́том животá. / Но кий
Иса́ия предста́нет тебе́ душѣ́, / а́ще не всехъ Богъ?

Преподо́бная ма́ти Мари́е, моли́ Бо́га о нас.

Марии: Возопи́вши к Пречи́стей Богома́тери, / пѣрвее отрину́ла
еси́ неистовство страсте́й, / ну́жно стужа́ющих, / и посра́мила еси́
врага́ запѣншаго, / но даждь ны́не по́мощь от ско́рби, / и мне, рабу́
твоему́.

Преподо́бная ма́ти Мари́е, моли́ Бо́га о нас.

Марии: Егóже возлюби́ла еси́, Егóже возжелѣ́ла еси́, / Егóже
ра́ди плоть изнури́ла еси́ преподо́бная, / моли́ ны́не Христа́ о

рабѣх: / яко да мѣлостив бѣв всем нам, / мѣрное состояніе дѣрует / почитающѣм Егѡ.

Преподѡбне ѡтче Андрѣе, моли Бѡга о нас.

Андрею: На камени мя вѣры / молитвами твоими утверди ѡтче, / страхом мя Божѣственным огражда, / и покаяние Андрѣе, подаждь ми, молюся ти, / и избави мя от сѣти врагов / ищущих мя.

Слава, Троицен: Троице прѡстая, нераздѣльная, / единасущная, и Естество едино, / Светове, и Свет, и Свята три, и едино Свято / поется Бог Троица: / но воспѡй, прослави, Живѡт и Животы, душе, / всех Бѡга.

Богородичен: Поѣм Тя, благословим Тя, / покланяемся Ти Богородительнице, / яко нераздѣльная Троицы породила еси единаго Христа Бѡга / и Сама отвѣрзла еси нам / сущим на земли небесная.

**Трипеснец. Глас 8.
Песнь 8.**

Ирмос: Безначальнаго Царя славы, / Егѡже трепещут небесныя силы, / пойте священницы, / людие превозносите во вся вѣки.

Святѣи Апѡстоли, молите Бѡга о нас.

Яко углие невещественнаго огня, / попалите вещественныя страсти моя, / возжизающе ныне во мне желание / Божественныя любви, апѡстоли.

Трубы благогласныя Слова почтим, / имиже падоша стѣны неутверждены вражия, / и богоразумия утвердишася забрала.

Кумиры страстныя души моея сокрушите, / иже храмы и столпы сокрушите врага, / апѡстоли Господни, / храмовѣ освященни.

Пресвятая Богородице, спаси нас.

Богородичен: Вместила еси невместимаго еством: / носила еси носящаго вся: / доила еси Чистая, питающаго тварь, / Христа Жизнодавца.

Иный трипеснец. Ирмос тойже.

Святѣи Апѡстоли, молите Бѡга о нас.

Ду́ха началохитростию созда́вше всю Цёрковь / апóстоли Христóвы, / в ней благословíte Христа́ во вéки.

Вострубíвше трубо́ю учéний, / низверго́ша апóстоли всю лeсть идо́льскую, / Христа́ превозно́сяще во вся вéки.

Апóстоли, до́брое преселéние, / назирáтелие мíра, и небéснии житэлие, / вас прíсно восхваля́ющия, / избáвите от бед.

Пресвятáя Трóице Бóже наш, сла́ва Тебé.

Троичен: Трисóлнечное всесвётлое Богоначáлие, / единосла́вное и единопрестóльное Естество́, / Отче вседéтелю, / Сýне, и Божéственный Ду́ше, / пою́ Тя во вéки.

Пресвятáя Богорóдице, спасí нас.

Богородичен: Яко честнýй и превýшний престóл, / воспо́йм Бóжию Мáтерь непрестáнно, лю́дие, / е́дину по рождествé / Мáтерь и Дéву.

Иный.

Ирмос: Егóже во́инства Небéсная сла́вят, / и трепéщут Херувíми и Серафíми, / всяко дыхáние и тварь, / по́йте, благословíte / и превозно́сите во вся вéки.

Согрешíвша Спáсе помíлуй, / воздвígни мой ум ко обращéнию, / примí мя кáющагося, ущéдри вопи́юща: / согрешíх Ти, спасí, / беззакóнновах, помíлуй мя.

Колесн́чник Или́я, / колесн́цею добродéтелей вшед, / я́ко на небеса́, ношáшеся / превýше иногда́ от земнýх: / сего́ úбо душé мо́я, восхóд помышля́й.

Иорда́нова стру́я пёрвее, мíлотию Илиино́ю / Елиссéем, ста сýду и сýду: / ты же, о душé мо́я, се́я не причастíлася есí благодáти / за невоздержáние.

Елиссéй иногда́ приём мíлоть Илиину́, / прият сугúбую благодáть от Бóга: / ты же о душé мо́я, се́я не причастíлася есí благодáти / за невоздержáние.

Соманíтида иногда́ / прáведнаго учредí, о душé, нра́вом благíм: / ты же не ввелá есí в дом, / ни странна, ни пýтника. / Тёмже черто́га изрíнешися вон, рыда́ющи.

Гиезіев подражала еси окайнная / разум скверный всегда
душе, / егоже сребролюбие отложи поне на старость: / бегай
геенскаго огня, / отступивши злых твоих.

Ты Озии душе поревновавши, / сего проказение в себе
стяжала еси сугубо: / безместная бо мыслиши, незаконная же
деши: / остави яже имаши, / и притечи к покаянию.

Ниневитяны душе слышала еси / кающихся Богу, в ретищем и
пепелом, / сих не подражала еси, но явилася еси злейшая всех, /
прежде закона, и по законе прегрешивших.

В рове блага слышала еси Иеремию душе, / града Сиона
рыдаными вопиющая, / и слез ищуща, / подражай сего плачевное
житие и спасешься.

Иона в Фарсис побеже, / проразумев обращение ниневитянов, /
разуме бо яко пророк Божие благоутробие: / темже ревноваше /
пророчеству не солгаться.

Даниила в рове слышала еси, / како загради уста, о душе
зверей: / уведела еси, како отроцы иже о Азарии, / погасиша
верою пещи пламень горящий.

Ветхаго Завета вся / приведох ти душе, к подобию, / подражай
праведных боголюбивая деяния, / избегни же паки лукавых
грехов.

Правосуде Спасе помилуй, / и избави мя огня, и прещения, /
еже имам на суде праведно претерпети: / ослаби ми прежде
конца, / добродетелию и покаянием.

Яко разбойник вопию Ти: помяни мя. / Яко Петр плачу горце: /
ослаби ми Спасе. Зову яко мытарь: / слезю яко блудница. /
Приими мое рыдание, / якоже иногда хананеино.

Гноение, Спасе, исцели / смиренные моея души: едины Врачу, /
пластырь мне наложи, и елей и вино, дела покаяния, / умиление
со слезами.

Хананею и аз подражая, / помилуй мя, вопию, Сыне Давидов: /
касаюся края ризы, яко кровоточивая: / плачу, яко Марфа и
Мария над Лазарем.

Слѣзную Спáсе сткля́ницу, / я́ко міро истощавáя на главú, / зовú Ти я́коже блудни́ца, мѣлости и́щущая, / мольбú приношú, / и оставлѣние прошú прия́ти.

Аще и никтóже, я́коже аз согрешí Тебѣ, / но обáче приими́ и менѣ, Благоутрóбне Спáсе, / страхом ка́ющася, и любóвию зовúща: / согрешíх Тебѣ едíному, / помíлуй мя Мѣлостиве.

Пощадí Спáсе Твоѣ создáние, / и взыщí я́ко Пáстырь погíбшее, / предвари́ заблúждшаго, восхíти от вóлка, / сотвори́ мя овчá / на пáстве Твои́х овѣц.

Егда́ Судие сядеши я́ко Благоутрóбен, / и пока́жеши стра́шную сла́ву Твою́ Спáсе: / о каков́ый страх тогдá! Пѣщи горя́щей, / всем боя́щимся нестерпíмага суди́ща Твоегó.

Преподóбная мáти Маріе, моли́ Бóга о нас.

Марии: Свѣта незаходíмага Мáти, тя просветíвши, / от омрачѣния страстѣй разреши́. / Тѣмже вшѣдши в духóвную благодáть, / просветí Маріе, / тя вѣрно восхваля́ющия.

Преподóбная мáти Маріе, моли́ Бóга о нас.

Марии: Чúдо нóво вѣдев, ужасáшеся божѣственный в тебѣ во́истинну мáти Зосíма: / áнгела бо зря́ше во плóти, / и úжасом весь исполня́шеся, / Христá поя́ во вѣки.

Преподóбне óтче Андрее, моли́ Бóга о нас.

Андрею: Я́ко дерзновѣние имы́й ко Гóсподу, / Андрее Крѣтский честнáя похвалó, / молю́, моли́ся разрешѣние от уз беззакóнныя / ны́не обрестí мне молíтвами твои́ми, / я́ко покая́нныя учíтель, / и преподóбных сла́ва.

Благословím Отцá, и Сы́на, и Свята́го Дúха, Гóспода.

Трои́чен: Безначáльне Отче, Сы́не собезначáльне, / Утѣшителю́ Благій, Дúше Пра́вый: / Сло́ва Бóжия Родíтелю, / Отцá безначáльна Сло́ве, / Дúше живы́й и зѣждяй, / Трóице Едíнице, помíлуй мя.

Богородичен: Я́ко от оброщѣния червлени́цы Пречíстая, / úмная багряни́ца Емману́илева, / внутрь во чрѣве Твоѣм плоть истка́ся. / Тѣмже Богороди́цу / во́истинну Тя почитáем.

Хва́лим, благословím, покланя́емся Гóсподеви, пою́ще и превозно́сяще во вся вѣки.

И паки ирмос.

Трипеснец. Глас 8.

Песнь 9.

Ирмос: Войстинну Богородицу Тя исповедуем, / спасеннии
Тобою Дѣво Чистая, / с безплотными лики Тя величающе.

Святѣи Апостоли, молѣте Бѣга о нас.

Источницы спасительныя воды / явльшеся апостоли, /
истаявшую душу мою греховною жаждою, оросите.

Плавающего в пучине погѣбели, / и в погружении уже бывша, /
Твоею десницею, якоже Петра, / Господи спаси мя.

Яко соли, вкусных суще учений, / гнильство ума моего
изсушите, / и невѣдения тьму отжените.

Пресвятая Богородице, спаси нас.

Богородичен: Радость яко родившая, / плачь мне подаждь, /
имже Божественное утешение Владычице, / в будущем дни
обрести возмогу.

Иный.

Ирмос: Тя небесе и земли ходатаицу:

Святѣи Апостоли, молѣте Бѣга о нас.

Тя благославное апостольское собрание, / песньми величаем: /
вселенней бо светила светлая явистеся, / прелесть отгоняще.

Благовестною мрежею вашею, / словесныя рыбы уловивше, /
сия приносите всегда снедь Христу, / апостоли блаженнии.

К Бѣгу вашим прошением / помяните нас апостоли, / от
всякаго избавитися искушения, молимся, / любовьию
воспевающия вас.

Пресвятая Троице Бѣже наш, слава Тебѣ.

Троицен: Тя триипостасную Единицу, / Отче, Сыне, со Духом,
/ Единого Бѣга единосущна пою, / Троицу единосильную и
безначальную.

Пресвятая Богородице, спаси нас.

Богородичен: Тя Детородительницу и Дѣву, / вси рѣди
ублажаем, / яко Тобою избавльшеся от клятвы: / радость бо нам
родила еси Господа.

Великаго канона ирмос: Безсеменнаго зачатия Рождество
несказанное, / Матере безмужныя нетленен Плод, / Божие бо
рождение обновляет естества. / Темже Тя вси роди, / яко
Богоневестную Матерь, / православно величаем.

Ум острупися, тело оболезнися, / недугует дух, слово
изнеможе, / житие умертвися, конец при дверех. / Темже моя
окаянная душе, что сотвориши, / егда придет Судия испытати
твоя?

Моисеово приведох ти душе, миробытие, / и от того все
заветное писание, / повѣдающее тебе праведныя и неправедныя: /
от нихже вторья, о душе, подражала еси, а не первая, / в Бога
согрешивши.

Закон изнеможе, празднует Евангелие, / писание же все в тебе
небрежено бысть, / пророцы изнемогоса, и все праведное слово: /
струпи твои, о душе, умножишася, / не сущу врачу исцеляющему
тя.

Новаго привожду ти писания указанья, / вводящая тя душе, ко
умилению: / праведным убо поревнуй, грешных же отвращайся, /
и умилостиви Христа молитвами же и пощеньми, / и чистотою, и
говением.

Христос вочеловечися, / призвав к покаянию разбойники, и
блудницы: / душе покайся, дверь отверзется Царствия уже, / и
предвосхищают е фарисее и мытари / и прелюбодее кающися.

Христос вочеловечися, / плоти приобщився ми, / и вся, елика
суть естества хотением / исполни греха кроме, / подобие тебе, о
душе, / и образ предпоказуя Своего низхождения.

Христос волхвы спасе, / пастыри созва, / младенец множества
показа мученики, / старцы прослави, и старья вдовицы, / ихже не
поревновала еси душе, ни деянием, ни житию, / но горе тебе,
внегда будеши судитися.

Постився Господь дней четырдесят в пустыни, / последи
взалка, показуя человеческое: / душе, да не разленишия, аще
тебе приложится враг, / молитвою же и постом от ног твоих да
отразится.

Христос искушашеся, / диавол искушаше, / показуя камене, /
да хлеби будут: / на гору возведе / видети вся царствия мира во
мгновении. / Убойся о душе, ловления, / трезвися молися на
всякий час Богу.

Горлица пустынолюбная, / глас вопиющего возгласи, / Христов
светильник, проповедуяй покаяние, / Ирод беззаконнова со
Иродиадою. / Зри душе моя, да не увязнеши в беззаконныя сети, /
но облобызай покаяние.

В пустыню вселися благодати Предтеча, / и Иудея вся и
Самария / слышавше течаху, / и исповедаху грехи своя, /
крещаемые усердно: / ихже ты не подражала еси душе.

Брак убо честный, и ложе нескверно: / обою бо Христос прежде
благослови, / плотию ядый, / и в Кане же на браце воду в вино
совершая, / и показуя первое чудо: / да ты изменишися о душе.

Разслабленнаго стягну Христос, / одр вземша, / и юношу
умерша воздвиге, вдовиче рождение, / и сотника отрока, / и
самаряныне явися, / в Дусе службу / Тебе, душе предживописа.

Кровоточивую исцели / прикосновением края ризна Господь: /
прокаженные очисти: / слепыя и хромыя просветив, исправи: /
глухыя же и немыя, и ничашия низу исцели словом: / да ты
спасешися окаянная душе.

Недуги исцеляя, / нищим благовествоваше, Христос Слово, /
вредныя уврачевая, с мытаря ядыше, / со грешники беседоваше, /
Иаириовы дщере душу предумершую / возврати осязанием руки.

Мытарь спасашеся, и блудница целомудрствоваше, / и фарисей
хваляся осуждашеся: / ов убо, очисти мя: / ова же, помилуй мя. /
Сей же величашеся вопия: Боже, благодарю Тя: / и прочие
безумныя глаголы.

Закхей мытарь бе, но обаче спасашеся, / и фарисей Симон
соблажняшеся, / и блудница принимаше оставительная
разрешения, / от Имущаго крепость оставляти грехи: / юже душе
потщися подражати.

Блуднице, о окаянная душе моя, / не поревновала еси, / яже
приимши мира алавастр, / со слезами мазаше нозе Спасове, / отре
же власы / древних согрешений рукописание раздирающего ея.

Грады, їмже даде Христос благовестіе, / душе моя, уведала еси, како прокляти быша. / Убойся указанія, да не будеши якоже оны, / ихже Содомляном Владыко уподобив, / даже до ада осуди.

Да не горшая о душе моя, / явѣшия отчаяніем, хананѣи / веру слышавшая, / еже дщи словом Божиим исцелися. / Сыне Давидов, спаси и мене, / воззови из глубины сердца, / якоже она Христу.

Умилосердися спаси мя, / Сыне Давидов помилуй, / беснующияся словом исцеливый, / глас же благоутробный яко разбойнику мне рцы: / аминь глаголю тебе, со Мною будеши в рай, / егда прииду во славе Моей.

Разбойник оглаговаше Тя, / разбойник Богословяше Тя, / оба бо на кресте свѣсяста, / но о Благоутробне, яко верному разбойнику Твоему, / познавшему Тя Бога, / и мне отверзи дверь / славнаго Царствия Твоего.

Тварь содрогашеся распинаема Тя видящи, / горы и каменія страхом распадохуся, / и земля сотрясашеся, и ад обнажашеся, / и соомрачашеся свет во дни, / зря Тебе Иисусе / пригвождена ко Кресту.

Достойных покаянія плодов не истязи от мене, / ибо крепость моя во мне оскуде, / сердце мне даруй присно сокрушенное, / нищету же духовную, / да сия Тебе принесу, / яко приятную жертву, единое Спасе.

Судіе мой, и вѣдче мой, / хотяи паки приити со ангелы, / судити миру всему, / милостивным Твоим оком тогда видеви мя, / пощаді и ущедри мя Иисусе, / паче всякаго естества человека согрешивша.

Преподобная мати Маріе, моли Бога о нас.

Марии: Удивила еси всех / странным житіем твоим, / ангелов чины, и человеков соборы, / невещественно поживши, и естество прешедши: / їмже, яко невещественными ногами вшедши Маріе, / Иордан прешла еси.

Преподобная мати Маріе, моли Бога о нас.

Марии: Умилостиви Создателя / о хвѣлящих тя, преподобная мати, / избавитися озлоблений и скорбей / окрест нападающих: /

да избáвившеся от напáстей, возвелíчим непрестáнно /
прослáвльшаго тя Гóспода.

Преподóбне óтче Андрее, моли́ Бóга о нас.

Андрею: Андрее честный, и óтче треблаженнейший, / пáстырю
Крýтский, / не престáй моляся о воспева́ющих тя: / да избáвимся
вси гнéва и скóрби, и тлéния, / и прегрешéний безмёрных, /
чтúщии твою́ пáмять вёрно.

Слава, Трои́чен: Отца́ прослáвим, Сы́на превознесём, /
Божéственному Дúху вёрно поклонímся, / Трóице нераздéльной,
Едíнице по Существо́у, / я́ко Свёту и Свётóм, и Животú и
Животóм, / животворя́щему и просвещáющему концы́.

Богородичен: Град Твой сохраня́й / Богородíteльнице
Пречíстая: / в Тебé бо сей вёрно цáрствуй, / в Тебé и
утвержда́ется: / и Тобóю побежда́й, / побежда́ет всякое
искушéние, / и пленя́ет рáтники, / и проходíт послушáние.